

## MIZORAM POLICE PRESS STATEMENT

No. POL/PR/2017/128

Dated Aizawl the 30th Nov. 2018.

### **‘MIZORAM AH MLA INTHLANPUI TLUANG TAKA NEIH ANIH AVANGIN MIZORAM POLICE TEN LAWMTHU KAN SAWI A NI.**

Tun tum a Mizoram MLA Inthlanpuini 28.11.2018-a kan neih zawh takah harsatna leh Dan leh Thupek bawhchhiatna liantham hriattur awmlova ralmuang taka kan zawh theih avangin Mizoram Police te chuan Mizoram mipuite chungah leh NGO-te, MKHC-te, Media-te, Inthlan Buaipuitu te leh Political Party zawng zawngte chungah lawmthu kan sawi tak meuh a ni.

MPF-te thawhrimna avanga ECI kaihhruaina te entawntlaka zawm a ni te hian min ti lawmin a bik taka lawm thu hrilh an phu a ni.

District hrang hrang a SP te leh Election Official-te rim taka an thawhna zarah felfai taka Inthlanpui buatsaih a nite hi chhuan awm kan ti a. State dangte pawhin an entawntlak khawpa Inthlanpui thianghlim leh muanawm kan nei thei hi a lawmawm a. Mizoram Police hotuber, Pu Balaji Srivastava IPS; DGP Mizoram pawh in ralmuang taka dan leh thu pek kenkawh anih avangin Police duty zawng zawngte chungah lawmthusawina ziakin a siam nghe nghe a ni. Hetianga Mizoram pumpuia Polling station 1164 ah leh abika Polling station 15 lai Bru-mipuite tan a Kanhmun, Mamit district a siam ah pawh harsatna awmlova mipuiten Vote kan thlak theih avangin lawmthu kan sawi bawk a ni. Tin, abik takinThuthar theh darhtute (Media) chungah tha taka kan thawhhona ah lawm thu kan sawi bawk a ni.

Tin, Kan Inthlanpui hi alazawh loh avangin EVM Strong room-te Security (CAPF, SAP, MRP) ten uluk taka venhim mek a ni a. Dt. 11.12.2018 ah District hrang hrangah Vote chhiar a ni dawn a, he hunah pawh hian ralmuang tak leh boruak thatak hnuaiyah Vote chhiar anih theih nante, inthlan result puan anih hnuah pawh boruak thatak kan neih zuizel nan mipuite, NGO-te, MKHC-te, MPF-te, Media-te, Inthlan Buaipuitute leh Political Party zawng zawngte Dan lehThu pek ken kawh kawngah min tanpui leh theuh turin kan ngen a ni e.

---

**ISSUED BY PUBLIC RELATION OFFICER, MIZORAM POLICE**

---